

FAAMASINOGA O FANUA MA SUAFA

Mataupu Faatulaga i Tuasivi 2023 (Fepuari 03)

SALELOLOGA

1. FSS21.102 T.2 – Fanua o PEATOGIA i Salelologa.

i) Talosaga FSS21.102 T.2 – Toomata Tua, Luamanuvae Tapeni *faasaga ia* Pauli Moana.

- *Ia faia se poloaiga a le Faamasinoga e talaese ai meatotino a Pauli Moana ua i luga o le fanua e iai le falepa'u ma nisi fale uma o loo iai, ma e solitulafono lenei pisinisi aua e lei faasalalauina e tusa ma moomiaga a le Tulafono, ma e lei soalaupuleina foi pe maua iai se maliega o le sa'o o loo tausia le aiga i le taimi nei, ma o le fanua o Peatogia sa toina mai e le pule a Tinousi Lilomaiava Luamanuvae Saitumua mo Sesilia Lemainaoleafi o le suli moni e nofoia ma galueaina, lea e tupuga mai ai le itu tagi, ma e leai se eleele e faasino ia Pauli Moana i le vaega lea ua fausia faamalosi ai lana pisinisi, ma o tuaoi o le fanua Sasae ma Euga Vili, Sisifo ma Matamua Samuelu, Matu ma le alatele o le malo, Saute ma se vaega o le fanua o Peatogia.*

SALELOLOGA

2. FSS22.117 T.4 – Fanua o SILAIA/SATUNULAUTI i Salelologa.

i) Talosaga FSS22.117 T.4 – Sili Alapati, Sili Veli, Matamua Filipino Sili, Pauli Moli Sili, Pauli Lauti Sili, Pauli Puleaga Sili *faasaga ia* Seumanu Viliamu, Seumanu Elia, Seumanu Greta, Rev Samuelu Lemuelu.

- *Ia faamaonia tuaoi e pei ona taua i luga aua le nofo filemu i le lumanai, ma ia taofia le toe fausia o se isi fale sopoia ua ova mai i fanua tanu a Sa Sili o loo iai i le taimi nei, mo le tausia o le nofo lelei ma pulega lelei aua le nofo fealofani ma le nofo filemu i totonu o aiga ma nuu, ua ioeina e faatumauina le faamaeaina o le fausia o le laoa o Seumanu i le mea o loo gata ai i le taimi nei ma faagata ai loa aua nei toe lotea ma ova mai, ma o le fanua o Silaia o loo tu ai le maota ma fanua tanu ua leva o le aiga Sa Sili i le taimi nei o ona tuaoi Sasae o Satunulauti e faasino i le suafa Seumanu, Matu o le alatele o le malo, Sisifo o Matamatanononofo e faasino i le suafa Tuilimu, Saute o le sami, ma ua uma ona soalaupule le mataupu i Tuasivi*

ia Tesema 2022, ma sa feiloai le Aiga Sa Sili ma Seumanu Viliamu i le maota i Silaia i luga o le fautuaga a le Ofisa o Faamasinoga i Tuasivi, ma ua mautinoa na'o se lua futu ua sili mai ai le faatinoina o le laoa o Seumanu Viliamu i fanua ma maota o Silaia.

SALELOLOGA

3. FSS22.033T.4 – Suafa SILI i Sapulu Salelologa.

i) Talosaga FSS22.033T.4 – Matafaieseese Tanielu Pauli faasaga ia Sili Faaiu Su'a, Silauta Sili Tasi Su'a.

- Ia faaleaogaina talosaga uma sa faaulu e le itu tagi i le aso 18/3/2022 ma le aso 30/6/2022 e faatatau i lenei mataupu, ma ia faatumauina ma aloaia nofo uma sa faia i le suafo Sili i le aso 13/11/2021 ona ua maea uia ala uma e tusa ai ma faiga masani a lenei aiga, ma o le itu tagi o suli moni o le suafo Sili o loo nonofo ma tausi le aiga i Silai'a i Salelologa, ma o nofo uma sa faatinoina i le aso 13/01/2021 ma faasalalau i le Savali, sa faia ina ua maea le soalaupulega a suli uma o le suafo Sili e aofia ai ma le itu tetee, ma o le itu tetee e le o nonofo i lo matou aiga i Salelologa, ma o loo faatalia foi nisi o mataupu a lo matou aiga i lenei Faamasinoga e aafia ai i laua, ma o le a matou faailoa atu i le aso o le faigasuega.*

SALELOLOGA

4. FSS22.032T.4 – Suafa MATAFAIESEEESE i Salelologa.

i) Talosaga FSS22.032T.4 – Matafaieseese Tanielu Pauli faasaga ia Sili Faaiu Sua, Silauta Sili Tasi Sua.

- Ia faamaonia nofo uma sa faia i le suafo Matafaieseese i le aso 13/01/2021 ma faasalalauina i Savali o le aso 28/11/21, 28/12/21 ma le aso 28/01/22, ma o le itu tagi o suli moni o le suafo Matafaieseese o loo nonofo ma tausi le aiga i Silai'a i Salelologa, ma o nofo uma sa faatino i le aso 13/1/21 ma faasalalauina i Savali sa faia ina ua maea le feiloaiga ma malilie autasi ai suli uma o le suafo Matafaieseese ma le suafo Sili e aofia ai ma le itu tetee mo le faatinoina o saofai a lo matou aiga, ma o le itu tetee e leo nonofo i lo matou aiga i Salelologa, ua tele le faatautee i fuafuaga ma faamoemoega e manuia ai le aiga, o loo taoto foi i Fogalemalo nisi mataupu e aafia ai lenei aiga, ma ia faia se poloaiga a le Faamasinoga e teena ai vaega uma o le talosaga a le itu tetee.*

SAPAPALII

5. FSS22.110T.3 – Fanua o LALOVI i Sapapalii.

i) Talosaga FSS22.110T.3 – Seumanu Greta *faasaga ia* Tuilaepa Lalovi, Faafetai Muaiala, Leilani Muaiala.

- *O le fanua o Lalovi e pulea e le suafa Lototau i Sapapalii lea e suli mai ai le itu tagi ma le itu tetee, ma ia faaavanoa se vaega o le fanua o Lalovi e fausia ai se fale o le itu tagi ona o i latou ma o i matou ma o matou matua sa tautua i le suafa Lototau, ma o le itu tagi ma le itu tetee o suli uma i le suafa Lototau e pulea le fanua o Lalovi, ma e lei pa'i Muaiala Nu'u le tuua o le itu tetee i le suafa Lototau e faasino iai lenei fanua, ma e le'i tautua foi le itu tetee ma o latou matua i le suafa Lototau ae sa tautua i le suafa Taiulu, ma o le tulaga fale o lo matou tina ua faia faamalosi ai i luga le fale o Muaiala Nu'u ma lana fanau ma ua agalatatau ai ona faaavanoa se vaega o le fanua mo le fausia o so matou fale.*

SAIPIPI

6. ALC.4570 P.2, P.3 – Fanua o ATA-O-AVA/UAFATO i Saipipi.

i) Talosaga ALC.4570P.2 – Utumapu Gauta Vaa, Mauata Gauta *faasaga ia* Tolua Maigaga.

- *Ia faamaonia o se vaega o le fanua o loo finau ai o Ata-o-Ava ma e pulea e le suafa Utumapu, ma ia faia se poloaiga e taofia ai le toe aiaina e le itu tetee o se vaega o le fanua o Ata-o-Ava ina ia vaoia ai feeseeseaiga o loo tulai mai, ma ia faamaonia le tuaoi i Sisifo o le fanua o Ata-o-Ava ma le itu tetee o loo iai le pa maa amata mai tafaala a le malo faasasao agai i uta, ma o le itu tagi o loo umia le suafa Utumapu e pulea ma faasino tonu iai le fanua o Ata-o-Ava Saipipi e pei ona iai le faaiuga ALC4570,4570 P.1 aso 21 Ianuari 1991, ma ia faamaonia le tuaoi i sisifo o le fanua o Ata o Ava ma le itu tetee o loo iai le pa maa mai le alatele a le malo faasasao agai i uta.*

ii) Talosaga ALC.4570P.3 – Tolua Maigaga, Gasolo Asonei *faasaga ia* Utumapu Gauta, Mauata Gauta.

- *Ia faamaonia le tuaoi o Ataoava ma Uafato e afua mai i le poumoli i tala ane o le auala tele faasa'o i uta seia paia le fanua o Utumapu Mataio, ma ia aveese loa*

meatotino uma a le itu tetee o loo i totonu o le fanua o Uafato i Saipipi, ma o le fanua o loo finau mai ai le itu tetee o Uafato ae le o Ataoava ma o le fanua e pulea e le suafa Maigaga, ma o se vaega o le fanua o Uafato o loo tu ai le fale o Tiuli Fialua ona o mafuaaga e pei ona faamaonia i le sainigalima o le aso 19/10/1982.

LANO

7. FSS22.086 T.3 – Fanua o LUUGA i Lano.

i) Talosaga FSS22.086 T.3 – Seinafolava Masalosalo, Tupa’i Fautua, faasaga ia Vui Luaao Vui, Vui Palagisamoa Tamiano Malaeulu.

- Ia teena vaega uma o le talosaga ma le faatupu vevesi a le itu tetee aemaise o tuuaiga matuia ua faia e faasaga i lenei aiga ona e leai se taitaisese poo se taufaasese o faia e le itu tagi i alii o le faamasinoga, ma o le fanua ua finau ai o se vaega o Luuga e pulea e le suafa Vui Seinafolava Maaleale o Vaovai i Lano, o ona tuaoi Tai ma le vaega o Luuga sa galue ai le Fesoasoani Katoliko, Uta ma se vaega o Luuga, Sasae ma le auala galue o le Pitonuu, Sisifo ma se vaega o Luuga, ma o le faaiuga ALC7418 aso 12/3/2020 sa talosaga ai le itu tetee ina ia aveesea se vaega o lo matou fale ona ua aafia lo latou fanua o Anini, peitai sa teena e le faamasinoga lea talosaga, ma o le faataoto e le faamasinoga o le tuaoi i lena finauga o loo manino lelei ona mafuaaga i vaega 14, 15 ma le 16 o mafuaaga o le faaiuga.*

PUAPUA

8. FSS22.129 T.2-T.3 – Fanua o VAOVAI i Puapua.

i) Talosaga FSS22.129 T.2 – Tamafuta Sefo Ugapo, Ugapo Fualaaui Lene, Vaifale Vaaimamao Uele Ugapo faasaga ia Alii ma Faipule.

- Ia soloia ma faaleaogaina le faasalalauga a le itu tetee pei ona faaalua i le Savali 28/10/22, ma ua maea le faaiuga a le faamasinoga i le fanua o Vaovai e pulea e le suafa Ugapo ma o loo taoto foi le maliega i le va o le aiga o Sa Ugapo ma sui o Alii ma Faipule mo le fausiaina o le fale komiti, ma e faavae lea i luga o le malosiaga o le faaiuga a le faamasinoga 1976, ma ia matua teena loa tuaoi o loo faaalua i le faasalalauga a le itu tetee ona e sese ma le amiotonu, ae ia faamaonia tuaoi pei ona faaalua i luga e le itu tagi, ma e matua teena foi tuaoi pei ona faaalua i le faasalalauga a le itu tetee, ae o tuaoi sao e tataua ona iai e faapea, Matu ma le sami,*

Sisifo ma le sami, Sasae ma le sami, Saute ma le fanua o Vaovai, ma o le tuaoi i Saute i le faasalalauga a le itu tetee o loo faapea mai e tuaoi ma Peseta Leaupogaleveleve, o se tuaoi ua oia ai lenei aiga ona e foliga mai ua leai se fanua o Vaovai, ae ia silafia e na o le fanua o Vaovai e tuaoi ma le tanu a le nuu, ma o fuafuaga uma a alii ma faipule pei o le fale komiti o le tanu ma le faasalalauga sa tataua ona latou amanaia le sa'o ma suafo o le aiga o Sa Ugapo lea e tulai atu i le itu tagi e pei ona iai le faaiuga a le faamasinoga aso 21/09/1976.

ii) Talosaga FSS22.129T.3 – Tamafuta Sefo Ugapo, Ugapo Fualaau Lene, Vaifale Vaaimamao Uele Ugapo faasaga ia Edward Ugapo Eves, Rev Setu Pitone, Ugapo Wayne Eves, Leiataualesa Lancelot Ugapo Eves, Tavui Ane Ugapo Laumea, Seiloa Paletasala.

- *Ia matua teena le pule a suli o Ugapo Foefai mai suli o Ugapo Leuo II ona o lea ua iai se vaega o le fanua o Falegasu ua fasino mo i latou pei ona taua i le vaega 5.3 o mafuaaga o le faaiuga apili o le suafo Ugapo aso 17/09/2008, ma e leai foi se taimi sa latou nofoia ai lenei fanua o Vaovai, ma teena le taua o Ugapo Galue i le tuaoi o Vaovai ae sei vagana ai Ugapo Ioane le tuua o Galue Tapeli o suli tonu ia o loo nofoia Vaovai, ma o ia foi lea sa fai ma fofoga o le suafo Ugapo i Falegasu, ma o le itu tagi o isi suli moni o le suafo Ugapo lea e suli mai ia Ugapo Ioane e aia i le puleaina o lenei fanua, ma ua nao suli lava o Ugapo Ioane lea e tulai atu ai le itu tagi o loo nofoia ma faaaogaina le fanua o Vaovai mai lava i le amataga seia oo mai i le taimi nei.*

SAMALAEULU

9. FSS22.121 T.2 – Suafo VAIFALE i Samalaeulu ma Leauvaa.

i) Talosaga FSS22.121 T.2 – Vaifale Palota, Tauanuu Nikolao faasaga ia Vaifale Leuluai Lili, Vaifale Sefa, Vaifale Tasala.

- *Ia faamaonia ma faatumauiina pea le umia e Vaifale Mataiasi Lui Avau o le suafo Vaifale o le fuaifale o Vaifale Aiesi ona o se tagata ua iloga se aoga i le aiga aemaise o le afioaga ma e leai ni uiga faamaualuga pe faatupu vevesi e tusa ma le talosaga a le itu tetee, ma o suli o Vaifale Aiesi ua uma ona faamaninoina i le Faaiuga ALC5010P.3 – P.6 ma le ALC5694P.1 – P.2 ma e aofia ai le itu tagi, ma o le toina o le suafo Vaifale ia Mataiasi Lui Avau ua uma ona iai le maliliega o suli o Vaifale Aiesi, ma ua maea ona faatino lana saofai faaleaganuu i luma o le*

*nuu, ma e teena tuuaiga uma a le itu tetee ua faia e faasaga ia Vaifale Mataiasi
Lui ona e le faamaonia uma ia vaega.*

SAMALAEULU

**10. FSS22.068 T.1 – Faamaonia faaletulafono o le faaiuga a Alii ma Faipule
Samalaeulu mo le faatulaieseina o Tevaga Leaea Filipino, lona toalua ma le
fanau.**

**i) Talosaga FSS22.068T.1 – Vaifale Mokoi, Vaifale Lafaele, Vaifale Aso
Tevaga Maletino, Tevaga Ioane, Paula Malele mo Alii ma Faipule *faasaga*
*ia Tevaga Leaea Filipino, o lona toalua ma lana fanau.***

- Ia faamaonia loa faaletulafono le faaiuga a le nuu ua faia i le itu tetee ina ia tulaiese ma aveese uma a latou meatotino mai totonu o le afioaga ona ua aaitui, faamaualuga toe tetee i pulega a alii ma faipule, ma o le faaiuga a le nuu na faia i le itu tetee ina ia tulaiese mai le afioaga ona e lei faatinoina le togisala na tuuina atu iai ona o ni faafitauli sa tulai i totonu o le afioaga, ma sa aloaia e le itu tetee le finagalo o le nuu mo sina taimi, peitai o lona toe solia o le nuu e aunoa ma se faatagana poo se isi fetuunaiga ua atagia ai le ola faamaualuga ma le faatautee i le puleaga a le nuu, ma o le toe foi atu o le itu tetee i totonu o le nuu ua aliali ai ma nisi uiga faapaupau ona ua avea le aso Sa paia o le Alii e fai ai ana gaoioiga le talafeagai ma o se faataitaiga e le lelei i tupulaga lalovaoa o le afioaga, ma ua maea ona toe tu iai le tootoo o le nuu i le aso 23/01/2023 peitai e le aloaia lava.*

SASINA

11. FSS23.014T.1 – Suafa LEASI o Sasina.

**i) Talosaga FSS23.014T.1 – Malomailevavau Moenoa Alofa, Enoka
Seumanutafa, Faamanatuga Seumanutafa *faasaga ia Leasi Vainuupo,*
Leasi Misiki, Misiki Togaiu.**

- Ia faamaonia le soloia ma le faaleaogaina o le nofo a Misiki ua faia faamalosi i le suafo Leasi o Sasina ma faasalalauina i le Savali 28/10/2022 ona e lei logoina le itu tagi mo se maliega, ma ia faamaonia foi e solitulafono le tuu o le suafo Leasi Vainuupo i le faapogai o le nofo ona e lei iai sona silafia ma sona maliega, ma o le itu tagi o isi suli moni e aia i le filifilia ma le tofia ose nofo poo ni nofo i le suafo Leasi o lo matou aiga i Sasina, ma e lei logoina lenei itu tagi mo se feiloaiga poo se*

talanoaga e lei iai foi se maliega i le faatinoina o lenei nofo, ma o le faatinoina o le nofo a Misiki e lei faia i le maota i Nuusa o le aiga, ma ua le talafeagai ai ma tu ma aganuu mamalu aemaise agaifanua e masani ai le aiga, ma e lei iai se silafia poo se maliega o le sa'o o le aiga ia Leasi Vainuupo i le faatinoga o le nofo a Misiki ma e solitulafono foi le tuu iai o le suafa Leasi Vainuupo i le faapogai o le nofo, ma sa le tatau foi i Aiga ma le Faletolu on taliaina lenei nofo ona e lei iai se tofa a le sa'o ia Leasi Vainuupo o loo tausia le aiga i le faatinoga o le nofo ua finau ai, ma ia faamaonia loa vaega uma o la matou talosaga ua taua i luga.

AVAO

12. ALC.6542P.1 – Suafa GALUVAO i Seseuga i Avao.

i) Talosaga ALC.6542P.1 – Eseta Pesamino faasaga ia Galuvao Tavita, Galuvao Willie, Galuvao Viliamu, Taua Sepulona.

- *Ia soloia ma faaleaogaina nofo a Taua Sepulona ona ua maea iai le faaiuga a le Faamasinoga, e leo se suli ma e lei maua foi iai se maliega o le itu tagi o le suli moni o le suafa, ma sa fai muamua foi e le itu tetee le nofo a Taua Sepulona ma sa ou faalavelave iai ma soloia i le faaiuga ALC6542 ia Iulai 2010 ma na faamaonia ai foi o Taua Sepulona e leo se suli o le suafa Galuvao o lo matou aiga i Seseuga Avao, ma o se solitulafono le mea ua faia e le itu tetee e ala i le toe faia o le nofo a Taua Sepulona ae ua soloia i le faaiuga a le Faamasinoga, ma o le tetee lava lea i faaiuga mamalu a le Faamasinoga.*

SAMAUGA

13. FSS22.120T.2 – Fanua o O'A i Samauga.

i) Talosaga FSS22.120T.2 – Sooalo Vailuu, Sooalo Galela, Sooalo Ipa, Sooalo Fereti faasaga ia Laulu Tifaga, Tumanuvao Ioapo, Vaifale Paese, Taulelei Paese.

- *Ia faamaonia le tuaoi o le fanua o O'a i le itu i Sasae o le fanua o Niutulua i le pa maa e afua mai i le auala tele seia paia le itu i tua, ma o le fanua o loo fausia ai le fale o le itu tagi o O'a ae le o Niutulua ma o le fanua totino e pulea e Sooalo ma ona suli i Samauga, ma e manino lelei le tuaoi o le fanua o O'a ma le fanua o Niutulua i le itu i Sasae o le pa maa sa iai muamua lea ua latou suia nei i le pa*

uaea, ma o le fale ua finau ai o loo fausia lava i luga o le fanua o O'a ma e le o aafia ai le fanua o le itu tetee.

ASAU

14. FSS21.069T.5 – Suafa TUFUGA Itupaepae o Leavaiseeta i Asau.

i) Talosaga FSS21.069 T.5 – Tufuga Masivao Efi Tufuga Pisa, Meleisea Sanele Tufuga Pisa, Iosefo Tufuga Pisa *faasaga ia* Tauvao Sone Masoe, Tulele Tauvao Sone, Taimalieutu Owen Johnston.

- *Ia matua teena ma soloia le fuaifale o Paleē lea o loo taumafai le itu tetee e faaofi mai i totonu o le aiga, ma o le itu tagi o suli moni o le suafa Tufuga i le itupaepae o Tufuga Leavaiseeta i le fuaifale o Vaega i Asau, ma o le itu tetee e faasinotonu i latou i le suafa Tufuga i le itupaepae o Tufuga Nuufau, ae le aia mai i le suafa Tufuga i le itupaepae o Tufuga Leavaiseeta i Asau, ma ose mea fou lea ua taumafai le itu tetee e faaofi mai ai le fuaifale o Paleē i totonu o lo matou aiga, ma e leai se isi o le fanau a Tufuga Leavaiseeta Leo e igoa ia Paleē.*

SATAUA

15. FSS23.006T.1 – Fanua o AVELE i Sataua.

i) Talosaga FSS23.006T.1 – Tuiavii Filipino, Puipuiatu Kasimilo, Manino Togia Pale *faasaga ia* Galuo Tapito Vaai.

- *O le fanua o Avele o le fanua e faasino i le suafa Tuiavii o Sataua o loo tulai atu ai le itu tagi, ma ia aveese uma meatotino a le itu tetee o loo iai i luga o le fanua ona e lei malilie iai le itu tagi, ma o se vaega o le fanua o Avele i le itu i Sisifo ua nofoia ma faaaogaina faamalosi e le aiga o le itu tetee e aunoa ma se maliega o le suafa Tuiavii, ma pe tusa o le $\frac{3}{4}$ eka lona tele o ona tuaoi Sisifo ma le fanua o Tauloa, Sasae ma le fanua o Suisala, Tai ma le Vaomatua, Uta ma le aualatele o le malo.*

SATAUA

16. ALC.7488 – Suafa TUITUFUGA o Sataua.

i) Talosaga ALC.7488 – Soavele Faleolo Savelio *faasaga ia Togia Uoti.*

- *Ia soloia loa ma faaleaogaina le nofo a Tasipale Tuitufuga ua faasalalau i le suafa Tuitufuga o lenei aiga ona o mafuaaga uma ua faaalua i luga, ma o le itu tagi e aofia i le pule o le suafa Tuiavii e faasino i ai le faatinoga o le suafa Tuitufuga i totonu o lo matou aiga i Sataua, ma e leai se maliega o le itu tagi i le nofo ua faasalalauina ma e leai foi se saofai na faia i totonu o lo matou nuu o Sataua, ma e le sa'o le faapogai ua faasalalauina ai lenei matai ma o le a faailoa atu i le aso o le Faamasinoga.*

SAGONE

17. FSS22.083T.3 – Suafa LEILUA o Faatauva'a i Sagone.

i) Talosaga FSS22.083 T.3 – Loli Tofilau Potofou, Luafale Valavala *faasaga ia Luagalau Fili.*

- *Ia matua teena ma soloia vaega uma o le talosaga a le itu tetee ona e leai se suafa Leilua Latu i totonu o le aiga i Sagone ma o se mau fou ua latou faatulai i le mataupu, ma ia taofia le itu tetee ma lona aiga mai lo latou toe aiaina o le suafa Leilua ona e leai se Leilua Latu i totonu o lo matou aiga lea o loo latou finauina e suli mai ai, ma o le pule o le suafa Leilua o Faatauva'a i Sagone, e iai lea i suli o Leilua Fusi lea e tulai atu ai le itu tagi, ma o le itu tetee foi e le o ni suli o le suafa Leilua i le maota i Faatauva'a i Sagone e le aia foi i le pule o le suafa.*

FOAILUGA

18. FSS21.052T.3 – Fanua o VAINUI i Foailuga.

i) Talosaga FSS21.052T.3 – Rev Faletolu Fiti Mase, Talitakumi Faletolu Fiti Mase *faasaga ia Faia Tuneva, Tuaiaiga Meauli, Faia Lisala.*

- *Ia faamaonia ise faaiuga a le faamasinoga o le igoa sa'o o le fanua o finau ai o Vainui e pulea e Fiti Mase ma Epenesa ma o la suli lea e tulai atu ai le itu tagi ona o le igagato mai ia Seufale Faauu, ma ia faamaonia foi le tele o le fanua ma*

ona tuaoi e pei ona taua i luga, ma ia taofia loa le itu tetee ona o latou toe aiaina lenei fanua o Vainui, ma ia teena le igoa Vainiu ma le pule ua o latou faatulai mai, ma ia faamaonia loa vaega uma o la matou talosaga ae teena le talsoaga a le itu tetee, ma o le tele o le fanua o Vainui e tusa ma le 6 eka tele pe itiiti, ma ona tuaoi e faapea, Sasae auala galue, Sisifo alia, itu i uta Tauailo Pasene i le itu i le alia, ma Seufale Keni i le itu i le auala galue ma le itu i tai Faaseu Enoka i le itu i le auala galue ma Tauavamea (Fiaagogo) i le itu i le alia, ma e le o aafia le fanua o Fiaagogo o loo fausia ai le fale o Tauavamea Oka ma lana itu i le fanua lenei o Vainui.

FOAILALO

19. ALC.6851 – Fanua o LAVEAI i Foailalo.

i) Talosaga ALC.6851P.4 – Taupamatu Peni Faiilalo Faliuga, Seuoti Ioane faasaga ia Fonomaalii Ulaia Sene, Malagamaalii Faamasino, Aeau Meaalofa.

- *Ia talaese loa le fale na fausia faamalosi e le itu tetee i luga o se vaega o le fanua o Laveai ona e tutupu ai pea maseiga ma lē maua ai se toafilemu ma se nofo lelei o suli moni o Fonomaalii ma Tiatoia, ma ua faia lenei talosaga ina ia tusa ai o le Vaega 7(a) o le mafuaaga o le Faaiuga ALC6622P.4-P.7 o le aso 31/01/2018 ona ua le maua lava se toafilemu o lenei aiga talu le faamaualuga o le itu tetee, ma o le toe faagaoioia e le itu tetee o galuega o lenei fale e aunoa ma le logoina o suli moni o Fonomaalii ma Tiatoia, ua latou solia ai le faaiuga a le faamasinoga i lona Faaiuga Autu Vaega 8.1, ma o le tumau ai pea o lenei fale i luga o se vaega o Laveai e faatupu ai pea maseiga i le va o le itu tagi ma le itu tetee ona e leo mafai lava ona faamaualalo le loto o le itu tetee e talia ai e le o i latou o ni suli moni o le suafoa Faliuga.*

SILI

20. FSS22.132 T.1 – Fanua o LUGAOLEVAI i Sili.

i) Talosaga FSS22.132 T.1 – Faaola Toala Sosaiete, Faaola Pupi Sosaiete, Faaola Tovaega faasaga ia Alofisa Potini Tonise, Tuipu Fiu Faalae.

- *Ia taofia le itu tetee i lo latou faatuputupu pea o le vevesi i le va o itu e lua ona ua le maua ai se nofo filemu i totonu o aiga aemaise o le afioaga, ma ia aveese uma*

meatotino a le itu tetee ua sopo mai i le fanua o le itu tagi, ma o le tuaoi i sisifo o le fanua o Fusi e faasino i le itu tagi ma le fanua o Lugaolevai e faasino i le itu tetee ua maea ona faamaonia i le faaiuga o le aso 18/06/2015, ma ua faamaonia atili i le fuataga na faia e alii ma tamaitai fuafanua i le aso 03/08/2022, ma o le itu tagi o sulī moni o le suafa Faaola e ou ma o loo nofoia le fanua o Fusi i Sili e tusa ma le faasinoga a le Faafanua Lot 29 i le Plan 2360, ma ua maea ona faataoto e le faaiuga ALC6915/P.1, ALC6916/P1-P2 o le aso 18/6/2015 i lona vaega (e) o le faaiuga autu le tuaoi o nei fanua e lua.

FAALA PALAULI

21. FSS23.009T.1 – T.4 – Suafa LAGAAIA i Faala Palauli.

i) Talosaga FSS23.009T.1 – Lagaia Aloese, Lagaia Feula, Lagaia Malaga, Lagaia Pelosi faasaga ia Laulu Tafatafa, Tauvao Makei, Tauvao Tuise, Tauvao Vaelua.

- Ia soloia uma ma faaleaogaina nofo na faia i le suafa Lagaia o Faala Palauli ma faasalalau mai i le Savali 28/12/2022 e aofia ai Nuualitia Laulu, Mark Moses Sherman, Theone Lani Moors, Sitahiti Laulu, Koloti Laulu, Tafatafa Lio, Verna Mathes, Finau Leau, Leatulagi Leau, Punipua Loleni, Clay Sefo Ah Siu, Mose Molani Lio, Afatasi Fuiavailili Vaelua, Charles Falevalu Tauvao, Mikaele Milo, Pesamino Lino, Kelemete Kelemete, Brittany Lealofisaoaana Teuila, Carmilla Tapusoa, Alefosio Niko, Makei Laulu, Paneta Alefosio ona ua faia faamalosi e le itu tetee ae lei malilie uma iai sulī o le itupaepae o Lagaia Ena e aofia ai ma le itu tagi, ma o le itu tagi ma le itu tetee e aofia i le itupaepae o sulī o Lagaia Ena e pei ona faamaonia mai i le faaiuga ALC4993P7-P15 o le aso 6/3/2020, ma e lei iai se feiloaiga pe o se maliega autasi o sulī o Lagaia Ena i nofo ua faia faamalosi e le itu tetee, ma sa taumafai le itu tagi mo se avanoa e soalaupule ai le mataupu i le ofisa i le va ma le itu tetee peitai e latou te teena, ma e le talafeagai foi le maota na faatino ai saofai nei ma ua le talafeagai foi ma tu ma aganuu faasamoa le faatino o nofo i le suafa Lagaia i le Maota o Tauvao, ma e matua le talafeagai foi le faapogai o a latou nofo ua aliali manino ai lo latou faamaualuluga ma lo latou teena o le faaiuga a le faamasinoga.*

ii) Talosaga FSS23.009T.2 – Lagaia Iona, Vaipou Ulavale, Laulu Faauma, Vaasiliena Tautalafua, Dianne Lagaia faasaga ia Laulu Tafatafa, Tauvao Makei, Tauvao Tuise, Tauvao Vaelua.

- *Ia soloia uma ma faaleaogaina nofo na faia i le suafa Lagaaia o Faala Palauli ma faasalalau mai i le Savali 28/12/2022 e aofia ai Nuualiitia Laulu, Mark Moses Sherman, Theone Lani Moors, Sitahiti Laulu, Koloti Laulu, Tafatafa Lio, Verna Mathes, Finau Leau, Leatulagi Leau, Punipua Loleni, Clay Sefo Ah Siu, Mose Molani Lio, Afatasi Fuiavailili Vaaelua, Charles Falevalu Tauvao, Mikaele Milo, Pesamino Lino, Kelemete Kelemete, Brittany Lealofisaoaana Teuila, Carmilla Tapusoa, Alefosio Niko, Makei Laulu, Paneta Alefosio ona ua faia faamalosi e le itu tetee ae lei malilie uma iai suli o le itupaepae o Lagaaia Ena e aofia ai ma le itu tagi, ma o le suafa Lagaaia o Faala Palauli ua manino ona itupaepae e tusa ma le ALC4993P7-P15 o le aso 6/3/2020, ma o le itu tagi o isi ia suli o le itupaepae o Lagaaia Ena lea sa taiulu ai Laulu Miti i le taimi o le Faamasinoga, ma o le faia faamalosi o nofo na faia e le itu tetee ua faia i se tulaga faamaualuga, e le'i usu faaaloalo le nuu e lei faia foi i le laoa tonu o le suafa Lagaaia e tusa ma le aganuu, ma e le talafeagai le faapogai o loo faasalalau mai ai a latou nofo i le Savali, ona e le faapogai se suafa Laulu i nofo o le suafa Lagaaia o le itupaepae o Lagaaia Ena.*

iii) Talosaga FSS23.009T.3 – Tauvao Makei, Tauvao Tuise, Tauvao Vaaelua, Fuiavailili Molani faasaga ia Lagaaia Iona, Vaipou Ulavale, Laulu Faauma, Vaasiliena Tautalafua, Diane Lagaaia.

- *Ia faamaonia o le suafa Lagaaia i Faataualofa o Iona faasinomaga o se vaega o Mataniu, ma e talosagaina loa le itu tagi mo se poloaiga faapitoa e faamaonia ai loa nofo uma a le itu tagi na faasalalau i le Savali i le aso 23 Tesema 2022, ma talosagaina foi se poloaiga e soloia uma ai vaega o le talosaga a le itu tetee, ma ia faamaonia ua maea feiloai le taitai o le itu tagi ma Laulu Miti ma ioe mai ai i le faia o a matou nofo e tusa ma ala o le aganuu ma le agaifanua i le fia faia foi o a latou nofo ise aso, ma ia faamaonia foi e leo toe iai nei se taua o le laoa poo se fuaifale o le suafa Lagaaia i lo matou itu, ua soloia uma i le aso 6 Mati 2020, ma ia faamaonia foi e lei faia a matou nofo ise faamaualuga ae o le ioe a le tulafono, ma na faapaia e le nofo a feagaiga e toafa ma na usu foi se vaega o le matou nuu ma le itumalo ma le usoga pule, ma ia toe faamaonia loa ise poloaiga o lē o loo taitai i le itu tetee o loo faapogai ai le suafa Laulu i lana nofo, ma ia faamaonia le aofai o suafa Laulu o loo faapogai ai i nofo o suafa Lagaaia ua mavae, ma ia faamaonia loa le va nonofo o le Laulu mai Salemuliaga lea faasinomaga mai Faataualofa ma le suafa Lagaaia i Faala.*

iv) Talosaga FSS23.009T.4 – Tauvao Makei, Tauvao Tuise, Tauvao Vaaelua, Fuiavailili Moananu faasaga ia Lagaaia Aloese, Lagaaia Malaga, Lagaaia Feula.

- *Ia faamaonia loa i se poloaiga nofo uma e 22 e ala i o latou igoa lea na faasalalauina i le Savali 28/12/2022 o le tulafono a le malo o Samoa ona o mafuaaga e pei ona matou talosagaina ai se poloaiga a tou afioga, ao se faamalumalu ai a le tulafono o Fanua ma Suafa o le Malo o Samoa, ma ia faamaonia o le suafa Lagaia i Faataualofa o lona faasinomaga o Mataniu, ma o le maua ai i se uluai taimi ose itupaepae ua faatasi ai nei ia nei itu talosaga e lua ona o se talosaga a le itu tagi i le vaega 78, 79/81 o le tulafono i le aso 6 Oketopa 2009, o le pogai lea o le oo o le itu tagi i le fale o Lagaia Taamu o le taitai o le itu tetee mo se soalaupulega ma se maliega autasi ae teena, ma ia faamaonia ai ua lape tele i taga o le aganuu ma le agaifanua aemaise le tulafono le toe fia feiloai mai o le itu tagi i le itu tetee (a) ma o le faataunuu ai la o nofo a le itu tagi i le aso 25 Novema 2022 ona o le vaega 29, b, g, o le poloaiga a le Resitara poo le fuaiupu 37 mo le malosiaga a le tulafono, ma i le faaiuga o le aso 6 Mati 2020, e leo poloaiga mai ai se fanua mo suli taitasi o suli o Ena, ma se o le a pule ai (a) ia faamaonia ai loa o le faasinomaga o suli o Faataualofa e ala ia Tauvao Malu Lelua i Faala o le maota o Mataniu i sona vaega e ala ile tulafono ma le sainigalima ua taoto, ma ia faamaonia loa i se poloaiga le faapogai ai o nofo a le itu tagi ona o vaega nei, o le faamasinoga lea o suli o Faataualofa poo le itu talosaga a Laulu Tafatafa ma isi i le faaiuga, ma ia faamaonia loa le sili i le fa suafa Laulu o loo iai i le faapogai o le suafa Lagaia i totonu o faamaumauga a le tulafono, ma ia faamaonia ua tatau ona iai se faiga e faamautu ai se faavae o faapogai o le suafa Lagaia e ala i lona faasinomaga i totonu o le tulafono.*